



Meeqqat tapersorsorneqartarnerat pillugu Inatsisartut inatsisaani inatsisip allanngortinne-qarnissaa pillugu inatsisissatut siunnersuut

Matumuuna Meeqqat tapersorsorneqartarnerat pillugu Inatsisartut inatsisaanni allannguinissamut saqqummiunneqartoq oqaaseqarfingissavarput.

Nunatsinni tamani meeqqat tamarmik toqqissilutik meeranissaat peroriartornissaat pisussaaffigarpnaammassissallugu. Ajuusaarnaarluinnartumik nunatsinni amerlavallaaruujussuarput meeqqat isumannaatsumik inuuneqarnissaat ajorluinnartumik inisisimalertarmat meeqqanik angajoqqaat sumiginnaanerit pissutigalugit.

Meeqqanik isumaginninnerup iluani ineriartorneq assut ilungersunarsiartuinnartut nalunaarutit saqqummertartut siunissamut ernumassalluta pissutissaqarpugut ingerlaaseq inuiaqtigii tamatta allanngortinngikutsigu.

Illoqarfinni ilaqtariinnut meeqqanullu kiffartuussinerit sullissivinnik pilersitsinissat aamma aningaasartuutinik nutaanik pilersitsiviussapput tamannalu aamma kommunit aningaasalersuinermik kisimik nammattuussappata eqqarsarnartutut isigaarput tamaattumik aningaasalersuinermi aamma Namminersorlutik oqartussat aningaasalersuinissaat saneqqunneqarsinnaangilaq.

Taavalu aamma qanoq eqqarsartoqarpa ilaqtariit illuinik pilersitsinissat aamma nunaqarfippasuarni eqqarsaatigineqarnersoq tassami aamma pisariaqartinneqarput nunaqarfinni aamma ilaqtariit meerartallit nukitorsaaffiginissaat pisariaqartinneqarpoq. Tassami ilaqtariinnut meerartallnut isumaginninneq pitsaanerulerpat innuttaasunut pitsasumik sunniuteqarsinnaapput.

Ukiuni kingullerni assut tusarsaasarput ajuusaarnarluinnartumik kommunit meeqqat angajoqqaallu ikiugassat ilaqtigut eqqoqqissaartumik sullinneqartarsimanngitsut. Taamaatumik isumannaatsumik Kommuninut nakkutiliinerit Isumaginninnermi aqutsisoqarfimmiit nakkutiliilluarnikkut ingerlat-sisoqarnissaa kaammattuutigalugu piumasaraarput.

Tassa ilanngullugit naleqqussaanerit meeqqat angerlarsimaffiup avataani inisisimasut eqqasaa-tigalugit meeraq tikeraarsinnaanngippat ilaqtigut meeqqamut tulluarnerusussaq eqqarsaatigalugu ilaqtigut angajoqqaat tikeraarnissaat qulakkeerlugu aaqqinniarneqarnera tapersorsorparput.

Aammalu meeqqap ilaquaanut allamut tunniunneqarsinnaasoq saqqummiunneqartoq iluarisimaarlugu oqaatigissavarput.



Nunatsinni aamma amerlasuuni nunaqarfinni meeqqueriviit amigaatigineqartut ilisimavagut. Tassami kommunit meeqquerivinnik pilersitsinnisaq pisussaaffigaat aningaasalersuinikkut illutassaasigullu isumaginnittussaallutik. Tassami Naalakkersuinikkut tamatta anguniagararput sumiluunnit meeqqat atugaat isumannaatsuussasut nunaqarfinniippata illoqarfinniippatalu apeqqutaatinnagu.

Taamaattumik Naalakkersuisunut kissaatiginiarpalput meeqqueriviit inoqarfinni amerlasuuni pilersinnejarsimanngitsunut aningaasalersuinermi kommunit peqatigalugit aaqqissuusseqqullugit.

Tassami meeqqat meeqquerivinni paarineqartartut atuarnerup aallartinnissaanut sungiussarfittut pingaaruteqartarmata taamaattumik meeqqueriviit amerlisarneqarnissaat saneqqunnejarsinnaangilaq.

Taavalu una ilanngullugu oqaatigerusupparput meeqqat pillugit inatsimmik nutarterinissaq ingerlanneqartoq paasillugu assut eqqarsarnarpoq ajuusaarnarluinnartumik MIO meeqqat pisinnaatitaaf-fiinik illersisoq ilaatinneqarsimanngitsoq. Ilumut pissutsit tamakku paasillugit misillitagaqarluartut ilaatinneqanngitsut ilungersuummernarpoq.

Una suliassaq annertuvoq taava kissaatigaarput Ataatsimiitaliami sukumiisumik suliarineqassasoq misilittagaqarluartut meeqqat illersuisuat isumasioqatigalugu.

Taamatut oqaaseqarluta Inatsisisstatut siunnersuut suliarineqassasoq innersuupparput.